

Намознинг калити покликдир | Ҳадис дарслари (290-дарс)



Ҳадис
ДАРСЛАРИ

290-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Ҳадис ва ҳаёт» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.

19:00 / 10 июль 325

Поклик намознинг шартларидан эканлигини яхши биласиз. Усиз намоз бўлиши мумкин эмас. Бунда бадан, кийим ва макон поклиги кўзда тутилган.

يَبْنَونَ ، رَمْعِ نُبَانَع
ةَالَصُ هَلْ لَابُقِي آل لاق
نمَّ قَدَص آل وِ رُوهُ طِرِي غب
إِةَسْمَخُ لْ هَاوِرِ لُولُغ
يِرَاخُ بَلَا

Ибн Умар розияллоху анҳудан ривоят қилинади:

«Набий соллаллоҳу алайҳи васаллам:

«Аллоҳ покликсиз намозни ва хиёнат (орқали топилган молдан) садақани қабул қилмайди», дедилар».

Бешовларидан фақат Бухорий ривоят қилмаган.

Шарҳ: Мана шу ҳадисдан поклик намознинг қабул бўлиши учун энг биринчи шартлардан эканлиги маълум бўлмоқда.

Шу билан бирга, ҳаром аралашган молдан қилинган садақа ҳам қабул қилинмаслиги очиқ-ойдин айтилмоқда.

نَع ، هُنَعُ هَلَلَا يَضَرُّ يَلَعُ نَع
هَيَلَعُ هَلَلَا يَلَصُّ يَبُّ نَلَا
ةَالُّ صَلَا حَاتُ فَم : لَأَقَ مَلَسَو
أَهْمِي رُحَاتَ و ، رُوهُ طَلَا
أَهْلِي لُحَاتَ و ، رِي بُكَّتَلَا
دُوَادُ وُبَا هَاوَرُ . مِي لُسَّتَلَا
. هَحَّحَّ صَو مَكَا حَلَاوُ ي ذِمَّرْتَلَاوُ

Али розияллоҳу анҳудан ривоят қилинади:

«Набий соллаллоҳу алайҳи васаллам:

«Намознинг калити покликдир, унинг ҳаром қилиши такбирдир ва ҳалол қилиши саломдир», дедилар».

Абу Довуд ва Термизий ривоят қилганлар. Ҳоким саҳиҳ, деган.

Шарҳ: Ҳадиси шарифдан намозга тегишли учта муҳим ҳақиқатни ўрганамиз:

1. Поклик намознинг калити эканлиги.

Ҳеч бир нарсани калитсиз очиб бўлмаганидек, намозни ҳам калитсиз очиб бўлмайди. Намознинг калити поклик экан, намоз ўқувчи албатта, аввал баданини, кийимини, намоз ўқийдиган жойини поклаши керак. Агар шуни қилмаса, намоз ўқий олмайди. Ўқиса ҳам, намози қабул бўлмайди.

Бир кунда беш вақт фарз намози борлигини эътиборга олсак, мусулмон ҳамиша ҳамма тарафдан пок бўлиб юриши керак. Айни мана шу натижага бошқа тузум ва динлар эриша олмаган.

2. Намознинг ҳаром қилиши такбир билан бўлиши.

Яъни, киши намоз ўқишни ният қилиб, «Аллоҳу акбар!» деб такбир айтиши билан ушбу такбир айтишдан олдин ҳалол бўлган ишлар намоз ўқувчига ҳаром бўлиб қолади. Намознинг ичида улардан ҳеч бирини қила олмайди.

3. Намознинг ҳалол қилиши салом билан бўлиши.

Яъни, намоз ичида қилиш ҳаром бўлган нарсалар намозхоннинг намоз охирида «Ассалому алайкум!» деб салом бериши билан яна ҳалол бўлади. Саломдан кейин уларнинг барчасини қилавериш мумкин.

«Ҳадис ва ҳаёт» китобининг 4-жузи асосида тайёрланди.